

UKM 25 ALUMNI

EDISI MEI 2021



UNIVERSITI
KEBANGSAAN
MALAYSIA
*The National University
of Malaysia*



E-BULETIN ALUMNI UNIVERSITI KEBANGSAAN MALAYSIA



PELINDUNG HAIWAN LIAR

Dr. David bin Magintan merupakan anak kelahiran negeri Sabah. Beliau berbangsa Kadazan dusun dari Kampung Piasau yang terletak di daerah Kota Belud, Sabah. Oleh kerana beliau merupakan seorang pencinta haiwan dan alam sejak dari kecil lagi menyebabkan beliau memilih untuk menyambung pelajaran dalam bidang biologi dan ekologi. Beliau memperolehi Ijazah Sarjana Muda dalam Pemeliharaan Biologi dan Ekologi (Botani) pada tahun 1997 dan Doktor Falsafah pada tahun 2018 dalam bidang Zoologi (Ekologi Hidupan Liar) di Universiti Kebangsaan Malaysia. Memulakan kerjayanya di Jabatan Perlindungan Hidupan Liar dan Taman Negara (PERHILITAN) sebagai Pegawai Hidupan Liar pada tahun 2004 telah membolehkan beliau menyelamatkan pelbagai spesies hidupan liar seperti harimau Malaya, beruang, tapir, primata, rusa, dan juga kambing liar. Menurut beliau, perjalanan kerjaya bersama PERHILITAN dipenuhi dengan pengalaman yang mencabar dan tidak dapat dilupakan kerana berisiko berdepan dengan binatang buas selain tidak pulang ke rumah dalam tempoh yang lama. Nasihat beliau kepada seluruh rakyat Malaysia agar sentiasa mencintai dan memelihara hidupan liar di negara kita khususnya untuk kelestarian ekosistem dan tatapan generasi masa hadapan.




SYARAHAN ALUMNI YANG MENAMPILKAN YBHG. DATO IR. DR. MUHAMMAD GUNTOR MANSOR TOBENG, ALUMNI FKAB 1987

Syarahan Alumni Siri 1 menampilkan YBhg. Dato' Ir. Dr. Muhammad Guntor Mansor Tobeng yang merupakan alumni dari Fakulti Kejuruteraan dan Alam Bina (FKAB 1987) yang bertajuk 'Dari Kamsid D Ke Empayar Solar' telah berjaya diadakan pada 8 April 2021 (Khamis) secara dalam talian dengan menggunakan pelantar Zoom. Syarahan ini dikhususkan ini ditindikkan dengan kursus Analisis Sistem Kuasa dan seramai 90 orang pelajar telah mengikuti syarahan ini. Syarahan ini telah berlangsung selama 2 jam dengan pelbagai perkara menarik yang dikongsikan oleh YBhg. Dato' Ir. Dr. Muhammad Gunter Mansor Tobeng seperti kepentingan penggunaan tenaga solar pada masa sekarang. Syarahan Alumni ini memberi pendedahan kepada para pelajar tentang dunia sebenar lapangan pekerjaan mereka yang akan ceburi nanti.



MAJLIS PELANCARAN BUKU ALUMNI LEMBAH PANTAI UKM

Majlis Pelancaran Buku Alumni Lembah Pantai UKM telah berjaya diadakan pada 12 April 2021 (Isnin) bertempat di Persada Canselor UKM. Seramai 40 orang alumni sulung UKM telah hadir bersama-sama untuk memeriahkan majlis ini. Sebanyak 2 buah buku hasil karya alumni Lembah Pantai UKM yang berjudul 'Langkah Demi Langkah ke Puncak' dan 'Tautan Kasih' telah dirasmikan oleh YBhg. Prof. Dato' Ts. Dr. Mohd Ekhwan Hj. Toriman, Naib Canselor UKM. Buku 'Langkah Demi Langkah ke Puncak' menceritakan tentang sejarah Pendidikan Melayu sebelum dan selepas merdeka, saintis Melayu dan juga asas penubuhan UKM. Buku 'Tautan Kasih' pula menceritakan memori pertemuan semula kelas tahun 1970 sehingga 1974. Terdapat banyak gambar-gambar nostalgia pada zaman itu dimuatkan dalam buku ini dan buku ini juga mempunyai naratif cerita yang pendek serta tuntas dan mudah difahami.



SYARAHAN ALUMNI YANG MENAMPILKAN TUAN HAJI MAZLI ZAKUAN BIN MOHD NOOR, ALUMNI FKAB 1993

Pada 14 April 2021 (Rabu) telah berlangsung Syarahan Alumni Siri 2 bersama Tuan Haji Mazli Zakuan Bin Mohd Noor (FKAB 1993) bertajuk 'Charting Career in New Normal' secara dalam talian yang menggunakan aplikasi Zoom. Syarahan dimulakan dengan kata aluan daripada Prof. Ir. Dr. Shahrir Abdullah, Dekan Fakulti Kejuruteraan dan Alam Bina. Seramai 80 orang pelajar hadir syarahan ini bagi mendengar perkongsian ilmu yang sangat menarik daripada Tuan Haji Mazli Zakuan Bin Mohd Noor. Beliau banyak berkongsi mengenai pengalaman beliau ketika menuntut di UKM. Sesi ini begitu bermanfaat kepada pelajar khususnya membentuk *survival* dalam diri mereka khususnya dalam pencarian pekerjaan di musim pandemik ini.



PROJEK BEKALAN TAMAR BERBUKA PUASA UNTUK PELAJAR

Pusat Perhubungan Alumni dengan kerjasama Pusat Islam dan Pusat Hal Ehwal Pelajar telah mengerakkan Projek Bekalan Tamar Untuk Pelajar. Projek ini bertujuan untuk mengumpul dana bagi membekalkan buah tamar kepada pelajar yang berada di kampus semasa bulan Ramadhan. Sebanyak 1238 kotak tamar telah diagihkan kepada pelajar dalam tiga fasa berasingan. Sumbangan ini disampaikan oleh wakil Ahli Lembaga Pengarah Universiti (LPU), Prof. Emeritus Datuk Dr. Sukiman Sarmani dan juga para alumni yang menyumbang. Projek ini berjaya menyatukan alumni warga UKM dan alumni yang berada di luar UKM bersama-sama membantu pelajar meraikan bulan Ramadhan yang mulia ini. Kita bergerak seiringan!



SYARAHAN ALUMNI YANG MENAMPILKAN YBHGS. DATO' PAUZAN BIN AHMAR, ALUMNI FSSK 2005

Syarahan Alumni Siri 3 telah berlangsung pada 26 April 2021 (Isnin) yang menampilkan YBhg. Dato' Pauzan Bin Ahmar (FSSK 2005). Syarahan beliau yang bertajuk 'Satu Perjalanan...' ini dikhkususkan untuk pelajar yang mendaftar subjek Teori-teori Perkembangan Kerjaya bagi pelajar Fakulti Sains Sosial dan Kemanusiaan. Seramai 160 pelajar telah mengikuti syarahan ini yang berlangsung selama 2 jam 30 minit. Syarahan dimulakan dengan kata aluan dari Prof. Madya Dr. Tengku Nor Rizan binti Tengku Mohamad Maasum, Timbalan Dekan (Jaringan & Alumni) Fakulti Sains Sosial dan Kemanusiaan. YBhg. Dato' Pauzan Bin Ahmar memulakan syarahan beliau dengan berkongsi perjalanan hidup beliau ketika belajar dan juga banyak berkongsi tentang pembangunan kerjaya beliau sebagai penjawat awam. Banyak nasihat dan tips yang beliau berikan kepada pelajar yang berminat untuk berkhidmat untuk negara sebagai penjawat awam. Syarahan Alumni ini berjaya mengembangkan rangkaian profesional pelajar-pelajar UKM dengan alumni yang ternama untuk pembangunan kerjaya mereka di masa hadapan.



JEJAK ALUMNI TAN SRI DATO' SERI DR. NOOR HISHAM BIN ABDULLAH (FPER 1988, 1994), KETUA PENGARAH KESIHATAN

Pada 30 Mac 2021 (Selasa), Pusat Perhubungan Alumni UKM berpeluang untuk bertemu dengan Ketua Pengarah Kesihatan, YBhg. Tan Sri Dato' Seri Dr. Noor Hisham bin Abdullah (FPER 1988, 1994). Tujuan utama pertemuan yang begitu bermakna ini sebagai tanda sokongan dan penghargaan kepada Tan Sri Dato' Seri Dr. Noor Hisham bin Abdullah dalam usaha memerangi pandemik yang melanda negara ketika ini. Di samping itu, beliau juga telah membuat rakaman video ucapan yang ditujukan khas kepada graduan UKM sempena Majlis Konvokesyen UKM Ke-48 yang telah dilaksanakan secara fizikal. Dalam rakaman video tersebut beliau mengucapkan tahniah kepada semua graduan UKM dan juga menasihati orang ramai supaya patuh kepada SOP yang telah ditetapkan oleh Kementerian Kesihatan Malaysia.



JEJAK ALUMNI YBHG. PROF. EMERITUS DATO' DR. MOHAMAD BIN ABDUL RAZAK (FPER 1979, 1987), PRESIDEN UNIVERSITY OF CYBERJAYA

Lawatan Pusat Perhubungan Alumni UKM menziarahi Prof. Emeritus Dato' Dr. Mohamad bin Abdul Razak, Presiden University of Cyberjaya pada 19 Mac 2021 (Jumaat). Beliau merupakan Presiden Majlis Alumni Universiti Kebangsaan Malaysia dan juga alumni Fakulti Perubatan *batch* pertama UKM 1979. Beliau banyak membantu Pusat Perhungan Alumni dalam pelbagai urusan yang melibatkan alumni UKM. Banyak perkara dibincangkan dalam pertemuan ini seperti program yang akan diadakan pada masa akan datang, hala tuju Majlis Alumni UKM, pembangunan Kompleks Alumni dan jaringan alumni dengan Universiti. Beliau telah dianugerahkan gelaran Profesor Emeritus dalam Majlis Konvokesyen UKM ke 48 atas jasa memahat kecemerlangan tertinggi kepada UKM dan negara dalam bidang kepakaran yang beliau ceburi.



JEJAK ALUMNI DATUK MUHAMMAD AZMI MOHD ZAIN (FSSK 2013), PRESIDEN PERBADANAN PUTRAJAYA

Lawatan Timbalan Naib Canselor Hal Ehwal Jaringan Industri, Alumni dan Masyarakat, Prof. Dato' Dr. Imran Ho Abdullah pada 16 Mac 2021 (Selasa) bersama Pengarah Pusat Perhubungan Alumni UKM, Prof. Ir. Dr. Mohd Syuhaimi Ab. Rahman ke Perbadanan Putrajaya untuk bertemu dengan salah seorang alumni hebat UKM iaitu Datuk Muhammad Azmi Mohd Zain (FSSK2013), Presiden Perbadanan Putrajaya. Pertemuan ini bertujuan untuk membincangkan MoU kerjasama antara Universiti Kebangsaan Malaysia dan Perbadanan Putrajaya. UKM sentiasa menjalankan jaringan dan kerjasama bersama alumni UKM dalam pelbagai bidang demi kecemerlangan Universiti Kebangsaan Malaysia.



JEJAK ALUMNI YAB DATO' SERI DR AHMAD SAMSURI MOKHTAR (FKAB 1993), MENTERI BESAR TERENGGANU

Pada 31 Mac 2021 (Rabu), Fakulti Teknologi dan Sains Maklumat UKM telah membuat lawatan ke Pejabat Menteri Besar Terengganu untuk berjumpa dengan alumni UKM iaitu YAB Dato' Seri Dr. Ahmad Samsuri Mokhtar, Menteri Besar Terengganu. Beliau merupakan antara penyumbang utama kepada tabung UKM khususnya semasa musim pandemik ini. Banyak perkara yang telah dibincangkan antaranya penganjuran seminar antarabangsa dan aktiviti-aktiviti untuk mengeratkan hubungan antara alumni dan Universiti.



JEJAK ALUMNI DATUK HAJI AHMAD AMJAD HASHIM (FPP 1995), TIMBALAN MENTERI KEMENTERIAN SAINS, TEKNOLOGI DAN INOVASI

Fakulti Ekonomi & Pengurusan UKM telah membuat kunjungan ke Kementerian Sains Teknologi dan Inovasi (MOSTI) untuk berjumpa dengan YB Datuk Haji Ahmad Amzad Bin Hashim, Timbalan Menteri Sains, Teknologi Dan Inovasi pada 4 Mei 2021. YB Datuk Haji Ahmad Amzad juga banyak berkongsi kenangan beliau sewaktu beliau belajar di UKM dan mencadangkan aktiviti-aktiviti untuk mengeratkan lagi hubungan alumni dan Universiti. Selain itu, beliau turut dijemput untuk menyampaikan syarahan alumni kepada pelajar UKM.



JEJAK ALUMNI DATO' SERI DR. SANTHARA KUMAR A/L RAMANAIDU (FPP 1995), TIMBALAN MENTERI KEMENTERIAN WILAYAH PERSEKUTUAN

Pada 10 Mei 2021 (Isnin), Fakulti Ekonomi dan Pengurusan telah membuat kunjungan hormat ke Kementerian Wilayah Persekutuan untuk berjumpa dengan salah seorang alumni hebat UKM iaitu YBhg. Datuk Seri Dr. Santhara Kumar Ramanaidu, Timbalan Menteri Wilayah Persekutuan. Turut serta dalam kunjungan hormat ini ialah Dr. Lai Wei Sieng, Timbalan Pengarah Pusat Perhubungan Alumni UKM. Antara intipati perbincangan adalah mengenai kerjasama dua hala antara Fakulti Ekonomi dan Pengurusan dan Kementerian Wilayah Persekutuan, program Khidmat Budi, Syarahan Alumni dan Buku Mewah Alumni UKM.



PROJEK PEK MAKANAN BERBUKA PUASA

Pusat Perhubungan Alumni telah menganjurkan Projek Pek Makanan Berbuka Puasa. Kutipan dana ini adalah daripada warga dan alumni UKM. Projek ini berjalan selama 17 hari dan makanan telah diagihkan secara berselang seli kepada beberapa kolej penginapan setiap hari. Matlamat utama daripada penganjuran projek ini adalah untuk mengurangkan kontek pelajar dengan pihak luar khususnya ketika mereka membeli juadah berbuka puasa. Pada masa yang sama menanam sikap jiwa penyumbang di kalangan para pelajar yang mana suatu hari nanti mereka juga akan turut menyumbang seperti alumni mereka. Inisiatif ini merupakan pelengkap kepada sumbangan iftar daripada Pusat Islam dan Pusat Hal Ehwal Pelajar kepada pelajar yang menginap di kolej penginapan. Kami prihatin!



ALUMNIUKMOfficial

@ALUMNIUKMOffcl

www.ukm.my/alumni

PUSAT PERHUBUNGAN ALUMNI UKM (ALUMNI-UKM)